

ادبیات عمر و سید محمد علی

هفتعلق سیاسی ، ادبی ، علمی غزته در

جلد : ۳

سنه : ۲ ۱۴ شعبان ۱۳۳۶ جمعه ایرتی ۲۵ مایس ۱۹۱۸ نومرو ۳۸ — ۶۹

اجمال فکر

نظریه لک و کری

ساطع بک افندی به ، احتراماً عمله بر لکده

محترم و صاحب کرم معارضه ، فلسفه و علوم و فنون تاریخ بینی بر دفعه دها او قومق زحمتی اختیار بیورمه لری رجا ایدرم . او زمان کورورسکز که مشائیون بر شیئه بیاض دیورسه اشراقیون عینی نسنه به سیاه دیور . هر کس بشقه بر ادعاده . عجبا حقیقت هانکی جهنده ، نه سمتده در ؟ « والله اعلم بالصواب » ضرب مثلی قدر طوغری بر سوز بیلمم . وضعیت بومر کزده ایکن ارباب دانشدن بر چوغی ، ناموسلی متفکر لر ، — لا ادریه — (آغنوستیق) مذهبه سالک اولیور لر . هر حالده حقاری یوق دکل ، چوق .

فلسفه ده ، مابعد الطبیعه سپه کولاسیون لر نرنده ، اخلاقیاتده ، اجتماعیاتده بر برینی ناقص و ناسخ نه فکر لر وار ! ..

اگر حقیقت مستقر و ثابت اولسه ایدی ، ایش بساطت نهاییه سنه ارجاع ایدلش بولونوردی . مناقشه ، مباحثه ، مناظره ، محاضره ، مشائمه ، محاربه . . . بونلر اولمازدی . لکن حقیقت یدی قات پچه آلتنده محتجدر . حقیقت قالین بر پرده آرقه سندن صیریتیور .

قوم عربده قبل الاسلام و بعد الاسلام نسوان

[۶۴ و ۶۶ نوسرولی نسخه لر مزدن مابعد]

طلاق

طلاق ؛ تواریخ مختلفه ایله شرف نازل اولوب بقره نسا و طلاق سوره لر نده مقرر بولمیش اولان بر چوق نصوص قرآنیه ایله اباحه قلمشدر . بومساعده السیه تک نتیجه میدر که فخر عالم افسند من زوجات طاهرات رسالتینا می لرندن حفصه بی طلقه واحده ایله تطلیق بیوردقن صکره مشار الیهانک کمال صلاح و تقوا سنه حرمة تکرار کندی لرینه رجوع بیورمشدر . اصحاب کرامدن دخی بومثللو طلاق حادثاتنک وقوعی روایت اولمخده در . انجق طلاق احکام اسلامیه ده اباحه ای دلش اولغله برابر اولادک ضیاعی و جمعیت عائله تک تفرقه سی کی بر طاقم نتائج مؤسفه بی انتاج انلکده اولدیغندن طولانی « ایغض الحلال الی الله الطلاق » حدیث شریفی ایله ماهیت منفوره سی تماماً اراده ایضاح ای دلش و طرفینک بعد الافتراق یکدیگریله ازدواج لرینه شارع اعظم طرفندن مساعده و افتراقدن متولد ضررک تعمیر و تلافی سنه مدار اولق اوزره مرته تک طلاق واحد ایله تطلیق صورتی افضل عد اولمخدر . فقهای مالکیه دن الاحمینی ک قوله کوره بر آدمک زوجه سی ایکی طلاق ایله تطلیق ایتمی مکروه ؛ اوج طلاق ایله تطلیق ایتمی ممنوعدر . چونکه بومثللو احوالده حادثه بی متعاقب طرفینده ندامت حاصل اوله رق مناسبات زوجه تک کا کان اعاده سنه کمال شدتله رغبت و عرص احتیاج ای دلدی کی کثیر الوقوعدر ؛ دیور ، بومفصیلاتدن آکلاشیله جفی اوزره اسلامیت امر طلاق بر ضرورت مبرمه تک الجاسیله قبول ایلمشدر . چونکه زمان جاهلیتده فعل شنیع زنا بی غایت واسع بر مقیاسده مساعده اولدیغنی کی ادیان سائرده دخی زوجینک یکدیگریدن مفارقتی مسئله سی ناقابل تحمل بر صورتده تصعب ایتمشدی . اسلامیت بومساعده دخی افراط ایله تفریط آرمشده بر حد متوسط اختیار ایتمدی . زیرا طرفیندن برینک عقیم اولسی مناسبتیه تناسلدن محرومیت و یا اسباب مختلفه دن ناشی آره لر نده عداوت و منافرت و یا خود هیچ بر اسبابه مستند اولیه رق خلفه یکدیگریه قارشی بر حس محبتله متحسس اولماق کی بر طاقم اسباب موجود اوله بیلیر . بیلر نده کی رابطه امتراج و مباشرت لری بومثللو اسبابک تأثیریه منقطع اولدیغنی جهتله قولاً و فعلاً یکدیگرینک ضدی و معارضی کسامش اولان ایکی وجودک اولنجه بی قدر برابریشاملری بالطبع قابل دکدر . بویله بر قابلیت فرض اولنسه بیله طرفینک منافع و استراحتی مخلدر . بوندن بشقه اسباب افتراق بعضاً ناموس جهتده تعلق ایده بیلیر و اوله بیلیر که زوج زوجه تک بویولده کی حرکتی ده اثباته مقتدر اوله ماز . بویله منفور بر اسناد ایله یکدیگرینک خصم بی امانی کسامش اولان زوجینک برلکده یشاملری غایت الیم اولدیغنی کی محذور و خطر دن دخی سالم دکدر . جرمک ثبوتی حالده ایسه مسئله ده اوخیم برشکله کیرر . زوجه تصحیح اخلاق ایتمه دخی بردها عائله تشکیل ایتمی احتمالی قالماز .

ایشته طلاق بو وامشالی بر چوق محاذیرک تخفیف و ازاله سنه مدار اولق اوزره اتخاذ ای دلش بر تدبیر دن عبارتدر . امر طلاقک زوجک بد اقتدارینه تفویضی جهتله کلنجه بو صلاحیت نصوص عدیله

قرآنیہ ایله ثابت و (الطلاق ید من اخذ بالساق) [۱] حدیث شریفی ایله ده تصریح بیورلشدور .
 زوجہ قارشی زوجه دن ظهوری ملحوظ اولان مجاذیرک زوجه یه قارشی زوجدن دخی صدوری مأمول
 و محتمل بولندیغندن طولایی امر طلاقک استعمالی صلاحیتک بالکمز زوجہ منحصر اولسی زوجه نیک
 مغدوریتی استلزام ایله جکندن طولایی بورابطه نیک قطعی خصوصیتده طرفینک علی وجه الانفرادیست
 برافلسی و یا خود نکاحک حین عقدنده و سایر عقودده اولدیی کی طلاقده دخی رضاء طرفینک نظر
 اعتباره آلمسی ملاحظه سی وارد اوله بیلیرسه ده بوملاحظه دخی برچوق اسبابدن ناشی مندفعدر . امامت
 و خلافتک اسباب مانعہ سی بحثنده اشارت اولندیغی اوزره طائفه نسا نیک رجاله نسیه سربیع التاثر
 وحدته دهها زیاده مغلوبه برماهیتمده برادلس اولدقلرندن طولایی بومر مهمی قانون اعتدال دائره سنده
 اداره یه خلقتی مساعده کدر . جزئی برانفعال اوزرینه رابطه نکاحی فک قالیشیرکه بونک نتیجه سی اوله رق
 طلاقک کثرتی و طلاقک کثرتی ایسه برچوق خانمانلرک نحو و خراب اولسنی مستلزمدر . حالبوکه زوج
 اوله دکدر . اولابحسب البینه انفعالات نفسانیه نیک تأثیراته دهها زیاده مقاومدر . بناء علیه حیاتیته نسا یه
 نسبه دهها زیاده غالب و جا کدر . ثانیاً زوج : افتراقک نتیجه سی اوله رق مهر و نفقه عدت کی مالی برطاقم ضرر
 و تضمیناتک ادا و ایفاسیله مکلف اولدیی کی عائله سی تشکیل و افراد طائفه سنک معیشتی تأمین اوغورنده
 حیاتک اک تحمل فرسا صفحاتی کچیرمش و چوق کره لر خدمات شاقه یی و حتی بعض احوالده تهلک کی بیله
 اختیاره مجبور قالمش اولدیی جهته طلاق مسئله سی اوله قولای قولای کوزینه کسدره من . زوجہ ایسه
 مشاق معیشتله مکلف دکدر . قانون خلقتک آنره تحمیل ایتش اولدیی اک مهم وظیفه طائفه نسا امور
 داخلیه سی تنظیمدن عبارتدر . حتی اولادینک ارضاعی خصوصیتده بیله حق اختیاره مالکدر . ایسترسه
 چوخه سوت و یرر ایسترسه و یرر . احوالده زوج طفل ایچون برمرضعه تدارکنه مجبوردر . کرحه شرع
 سرفک اسباب معقولیه مبنی زوجہ بخش ایتش اولدیی بوسالاحتی سوء استعمال ایدن برطاقم ادانی
 ناسده خاطره کله بیایر . فقط بوقیایدن اولان اشخاص معذوره نیک سوء حرکتی قانون التهدیه کی
 انتظام و اصلاح بنده کی علویته تقیصه ایراث ایتز . امر طلاقک عقود سائرده اولدیی کی رضاء طرفین
 ایله تقییدی جهته کچنجه : شریعت اسلامیده خلع و تعبیر آخرله نکاح مقاوله سنک فسخی ایله و طرفینک
 عقد نکاح ایله اکتساب ایتش اولدقلری حقوقک یکدیگره رد و اعاده سندن عبارت براصول طلاق
 دخی موجوددر . فقط بواصول منفرداً زوجک بدنده اولان طلاق صلاحیتی زوجدن نزع ایتشمش
 اولدیی جهته بوراده بالطبع موضوع بحث اوله ماز . علی الاطلاق طلاقده رضای طرفینک نه ایچون
 نظر اعتباره آلمدیغنک اسبابی :

اولاً طلاق اسباب معروضه یه مبنی عقود سائرده نظرأ برخصوصیت فوق العاده یی حائزدره ثانیاً
 شریعت اسلامیده طلاقک زوجک بدنده بولمسندن متحصل محدودی برطرف ایله جک دیگر بر طریق
 شرعیده یوق دکدر . تعدد زوجات مسئله سنده بالناسبه بیان اولندیغی اوزره زوجہ حین نکاحده
 امر طلاقک کندیسنه تفویضی خصوصتی شرط اتخاذا ایله بیلیر و بوشروط موجبجه ده هر ایسته دیکی زمان
 کندیسنی تطبیق ایله بیلیمک اقتدارینه مالکدر . شوخالده امر طلاقده ارککک قایت رجحانی بویله بر
 شرطدن عاری اولدیی صورتیه منحصر قالیر . بویله بویله برشرطی عقد نکاحه جرأت استدیرمکده .

[۱] طلاق : بالیری طوقان و آنک اوزرنده حق تصرفه مالک اولان کیسه نیک التدهدر .

غناك ایتش اولان زوجه نك؛ زوجك امر طلاقده حق رجحانی قبول ایتش ذمكدر . مع مافیة بویله
بر غفلتك نتیجه سی اوله رق زوجك اذا وجفاسنه معروض قالمش اولان زوجه ایچونده محاکم شرعیة نك
باب عدالتی مفتوحدر . بوکی احوالده حاکم اولان زوجه تعدیل طور و مسلك ایتشنی امر و تنبیه ایدر ،
بو بایده کی او امری کار کر تاثیر اولماز سه تطیقنی امر ایلر . زوج بو امری انفاذ ایتدیکی تقدیرده حاکم
زوجینی یكدیگرندن حکماً تفریق ایله برابر زوجی زوجه ایچون عقد ایله مشروط اولان تعهدات
مالیه بی ایفایه محکوم ایدر .
مابعدی وار

هیبری زاده ابراهیم

زردشت مسئله سی

فیلسوف رضا توفیق بك افندی به

شعراء عربدن مشهور (نابغه) قورق دینی، (زهیر بن ابی سلمی) بر
شیه رغبت ایتدیکی، (جریر) منقل اولدینی، (عنتره) سلاح لاندینی
زمان بیوک بر شاعر اولوردی . بعضی علما واردر که یالکز بر
بختی تدقیق و مناقشه به کیرشه دکاری زمان عالمدرلر .

محترم افندی !

مخك شمعی به قدر سکوت ایله کچشدیردی ککز بعضی نقطه لرینی صوك مکتوب ککز - بر معتاد -
حکیمانه شرح ایدییور . هر شیدن اول نصلحه بر آرز فضلته اهمیت ویردی ککز (روولینسون) مسئله سنك
افکار عمومی ده بر افدینی تاثیراتی تعدیل ایچون ، بالازوم بو آدمك بیلم هانکی قولقسوینده مندرج
فوطوغرافینی تعریفه قالدیشیور سکز . (روولینسون) بیاض بیتلی ، آجیق مائی کوزلی ، چهره سی
تماماً مطروش (!) یاشلی اولماسنه رغماً صاچلرینی محافظه ایتش و قیصه کسمس بر ذات ایتش .
بارك الله ! طوغریسی یالکز بو تصویر ، مدعای عالیگری اثبات ایتکه کافیدر . (مد) لر مسئله سنك
بو قدر دلائل جدیده ایله مجهز بر وقوفه مالك اولدیگیزی تخمین اتمه مشدم ! کندی کندیجه دوشوندم .
(روولینسون) صاچلرینی قیصه کسمون ، خصوصیه آجیق مائی کوزلو و بیاض بیتلی اولسونده (مد)
لسانك بر (سکیت) لهجه سی اولدینی سویله مکه جرأت ایتسون ، خارق العاده بر وقعه ! ... بوی
عادتاً نیمه تصدیق ایدم حکم کلدی !! دونه قدر مجهول کز اولدینی کندیگیز کده اعتراف ایتدی ککز
بر مدقك یالکز رسمی کورمکه قناعت علمیه سی تحقیقه موفق اولایلمه کز . حقیقه بر معجزه
وقوفدر - کرامتدر . کرامت کسه بیله کها بتدر . عجباً معهود (علمی) می امدادیکزه یتشدی ؟